

唐圭璋編

全宋

詞

第十七冊

國立編譯館

全宋詞卷二百六十

謝枋得 一首

趙聞禮 十四首 附錄一首

文天祥 八首

鍾過 一首

徐理 一首

羅椅 四首

朱埴 三首

劉瀾 四首

李珣 二首

王嶠 二首

方君遇 一首

王識 一首

郭新 一首

謝枋得

枋得字君直號疊山信州弋陽人
生於寶慶二年寶祐四年進士至元二十六年卒年六十四有疊山集

沁園春 寒食鄂州道中

十五年來逢寒食節皆在天涯歎雨濡露潤還思宰相風柔日媚
羞看飛花麥飯紙錢隻鷄斗酒幾誤林間噪喜鴉天笑道此不由
乎我也不由他 鼎中鍊熟丹砂把紫府清都作一家想前人鶴
馭常遊絳闕浮生蟬蛻豈戀黃沙帝命守墳王令修墓男子正當
如是邪又何必待過家上塚畫錦榮華 謝疊山文集翰墨全書

趙聞禮

聞禮字立之號釣月臨漢人

好事近

人去綠屏閒逗曉柳絲風急簾外杏花微雨宵春紅愁濕單衣
催賜麴塵羅中酒病無力應是繡床慵困倚秋千斜立陽春白雪五

案上闕絕妙好詞四引作樓采詞陽春白雪乃闕禮自輯殆無以他作誤作已作之理好詞所云非是

又

小枕夢催閒飛雨時鳴高屋掛起西窗人靜聽春禽聲續鴨塘

溪綠漲輕痕烟柳媚新綠誰伴瘦筇尊酒弄崑泉飛瀑同上

踏莎行

照眼菱花剪情菰葉夢雲吹散無蹤跡聽郎言語識郎心當時一

點誰消得柳暗花明螢飛月黑臨窗滴淚研殘墨合歡帶上舊

題詩如今化作相思碧浩然齋雅談下

千秋歲

鶯啼晴晝南國春如繡飛絮眼凭闌袖日長花片落睡起眉山闌

無箇事沈烟一縷騰金獸千里空回首兩地厭厭瘦春去也歸

來否五更樓外月雙燕門前柳人不見鞦韆院落清明後絕妙好詞四

隔浦蓮近

愁紅飛眩醉眼日淡芭蕉捲帳掩屏香潤楊花撲春雲暖啼鳥驚

夢遠芳心亂照影收匳晚畫眉嬾微醒帶困離情中酒相半裙

腰粉瘦怕按六么歌板簾捲層樓探舊燕腸斷花枝和悶重燃同上

風入松

麴塵風雨亂春晴花重寒輕珠簾捲上還重下怕東風吹散歌聲

棋倦盃頻歷代詩餘作傾畫永粉香花豔清明十分無處著閒情來覓

娉婷薔薇誤冒尋春袖倩柔荑爲補香痕苦恨啼鵲驚夢何時翦

燭重盟同上

又

昔年心醉杜韋娘曾格外疎狂綵牋預約西湖上共幽深竹院松

窗愁夜黛眉顰翠惜歸羅帕分香重來一覺熟黃梁空烟水茫

茫如今眼底無姚魏舊遊處都是淒涼入扇柳風殘酒點衣花雨

斜陽陽春白雪八

案上闕又見侯寘嬌窈詞

法曲獻仙音

花匣么弦象斂雙陸舊日留歡情意夢別銀屏恨裁蘭燭香篝夜

閒鴛被料燕子重來地桐陰瑣窗綺倦梳洗暈芳鈿自羞鴛鏡

羅袖冷烟柳畫闌半倚淺雨壓茶麝指東風芳事餘幾院落黃昏

帕春鴛驚笑憔悴倩柔紅約定喚取玉簫同醉

陽春白
雪五

案上閱絕妙好
詞引作樓采詞

玉漏遲

絮花寒食路晴絲冒日綠陰吹霧客帽欺風愁滿畫船煙浦綵柱

秋千散後恨塵鎖燕簾鶯戶從閒阻夢雲無準鬢霜如許夜永

繡閣藏嬌記掩扇傳歌剪燈留語月約星期細把花鬢頻數彈指

一襟幽恨謾空情啼鵲聲訴深院宇黃昏杏花微雨

同上

案上閱絕妙好詞引作樓采詞又誤入夢窗乙稿陽春白
雪五有林表民玉漏遲和趙將夫韻則此詞非趙作不可矣

魚遊春水

青樓臨遠水樓上東風飛燕子玉鉤珠箔密密鎖紅藏翠剪勝裁

幡春日戲簇柳簪梅元夜醉閒憶舊歡暗彈新淚羅帕啼痕未

洗愁見同心雙鳳翅長安十日輕寒春衫未試過盡征鴻知幾許

不寄蕭娘書一紙愁腸斷也那人知未

陽春白
雪八

瑞鶴仙

客邊情味惡花漏遠春靜風鳴鳳鐸空梁燕泥落映柔紅微冒海

棠簾箔愁鐘恨角怕催人黃昏索寞擁吟袍凭煖闌干醉怯冷香

羅薄阿鵲幽芳月淡紫曲雲昏有人說著名繯易縛歸鞭香誤

期約記金泥卜畫銀屏娛夜彈指忽忽恨錯爲情多攪盡芳春帶

圍瘦覺

陽春白
雪五

又立

凍痕消夢草又招得春歸舊家池沼園扉掩寒悄

樓采詞
作峭

倩誰將

花信偏傳深窈追遊趁早便裁却春衫短帽任殘梅飛滿溪橋和

月醉眠清曉年少青絲纖手綵勝嬌鬢賦情誰表南樓信杳江

雲重鴈歸少記衝香嘶馬流紅迴岸幾度綠楊殘照想暗黃依舊

東風灞陵古道

同上

案上閱絕妙好詞引
作樓采詞茲並校之

水龍吟

水仙
花

幾年埋玉藍田綠雲翠水烘春煖衣薰麝馥轆羅塵沁浣波步淺
鈿碧搔頭膩黃冰腦參差難翦乍聲沈素瑟天風佩冷踟躕舞霓
裳遍 湘浦盈盈月滿抱相思夜寒腸斷含香有恨招魂無路瑤
琴寫怨幽韻淒涼莫江空渺數峯清遠粲迎風一笑持花醉酒結

南枝伴 絕妙好詞

賀新郎 疊

池館收新雨耿幽叢流光幾點半侵疎戶入夜涼風吹不滅冷燄
微茫暗度碎影落仙盤秋露漏斷長門空照淚袖紗寒映竹無心

顧孤枕掩殘燈炷 練 案練當作練周邦彥詞尚有練 囊不照詩人苦

夜沈沈拍手相親駭兒癡女欄外撲來羅扇小誰在風廊笑語競

戲踏金釵雙股故苑荒涼悲舊賞悵寒蕪衰草隋宮路同燐火徧

秋圃 絕妙好詞

以上趙輯鈞月詞十四首（原輯本十五首第一首謁金門乃譚宣子詞刪去）

附錄

謁金門

人病酒生怕日高催繡昨夜新翻花樣瘦旋描雙蝶湊 慵凭繡
牀呵手却說新愁還又門外東風吹綻柳海棠花厮勾 浩然齋
雅談下

案此首陽春白雪六作譚宣子詞陽春白雪
爲趙氏自編果爲已作自不致嫁名他人

文天祥

天祥初名雲孫字天祥後改字宋瑞一字履善吉安人生於端平三年寶
祐四年進士第一度宗朝累遷直學士院知贛州德祐初除右丞相兼樞
密使元兵至奉使軍前被拘亡入真州泛海至溫州益王立拜右丞相以
都督出江西兵敗被執囚於燕京四年不屈死柴市年四十七時至元十

九年有指南
吟嘯等集

齊天樂 慶湖北漕知
鄂州李樓峯

南樓月轉銀河曙玉簫又吹梅早嬰武沙晴葡萄水暖一縷燕香
清裊瑤池春透想桃露霏霞菊波沁曉袍錦風流銜仙花帶瑞紅
繞 玉關人正未老喚磯頭黃鶴岸巾談笑劍拂淮清槩橫楚黛
雨洗一川煙草印黃似斗看半硯薔薇滿鞍楊柳沙路歸來金貂
蟬翼小

又 甲戌洲憲種
德堂燈屏

夜來早得東風信瀟湘一川新綠柳色含晴梅心沁暖春淺千花
如束銀蟬乍浴正沙雁將還海鼇初蠹雲擁旌旗笑聲人在畫闌
曲 星虹瑤樹縹緲佩環鳴碧落瑞籠華屋露耿銅虬冰翻鐵馬
簾幙光搖金粟遲遲倚竹更爲托瑤尊滿斟醅醖回首宮蓮夜深
歸院燭

念奴嬌

南康軍和蘇韻

廬山依舊淒涼處無限江南風物空翠晴嵐浮汗漫還障天東半
壁雁過孤峯猿歸危嶂風急波翻雪乾坤未老地靈尙有人傑
堪嗟漂泊孤舟河傾斗落客夢催明發南浦閒雲連草樹回首旌
旗明滅三十年來十年一過空有星星髮夜深愁聽胡笳吹徹寒
月

又

驛中別友人

水天空闊恨東風不借世閒英物蜀鳥吳花殘照裏忍見荒城頽
壁銅雀春情金人秋淚此恨憑誰雪堂堂劍氣斗牛空認奇傑
那信江海餘生南行萬里不放扁舟發正爲鷗盟留醉眼細看瀟

生雲滅晚柱吞羸回旗走懿千古衝冠髮伴人無寐秦淮應是孤
月

又

乾坤能大算蛟龍豈是池中之物風雨牢愁無著處那更寒蛩四
壁橫梁題詩登樓作賦萬事空中雪江流如此方來還有英傑
堪笑一葉漂零重來淮水正涼風新發鏡裏朱顏都變盡只有丹
心難滅去去龍沙江山回首一綫青如髮故人應念杜鵑枝上殘
月

滿江紅

代王昭儀

試問琵琶胡沙外怎生風色最苦是姚黃一朵移根仙闕王母歡
闌羣宴罷仙人淚滿金盤側聽行宮半夜雨淋鈴聲聲歇 彩雲
散香塵滅銅駝恨那堪說想男兒慷慨嚼穿鰓血回首昭陽離落
日傷心銅雀迎秋月算妾身不願似天家金甌缺

又

和

燕子樓中又挨過幾番秋色相思處青年如夢乘鸞仙闕肌玉暗

消衣帶緩淚珠斜透花鈿側最無端蕉影上窗紗青鐙歇 曲池

合高臺滅人閒事何堪說向南陽阡上滿襟清血世態便如翻覆

雨妾身元是分明月笑樂昌一段好風流菱花缺

沁園春 題睢陽廟

爲子死孝爲臣死忠死又何妨自光岳氣分士無全節君臣義缺

誰負剛腸罵賊張巡同心許遠留得聲名萬古香後來者無二公

之節百鍊之鋼 人生歎翕云亡好烈烈轟轟做一場口當時賣

國甘心降虜受人唾罵安得留芳古廟幽沈儀容儼雅枯木寒鴉

幾夕陽郵亭下有奸雄過此子細思量 以上江本文 山樂府八首

鍾過

過字改之號梅心廬陵人 中寶祐三年乙卯解試

步蟾宮

東風又送酴醾信蚤吹得愁成潘鬢花開猶似十年前人不似十

年前俊 水邊珠翠香成陣也消得燕窺鶯認歸來沈醉月朦朧

覺花氣滿襟猶潤 絕妙好詞卷三

徐理

理號南溪會稽人寶祐四年進士與楊守齋並稱知音

瑞鶴仙

暮霞紅映沼恨柳枝疎瘦不禁風攪投林數歸鳥更枯莖敲荻糝

紅堆蓼江寒浪小鴈來多音書苦少試看盡水邊紅葉不見有詩

流到 煩惱凭闌人去枕水亭空路遙天杳情深恨渺無計訴與

伊道漏聲催門外霜清風細月色今宵最好怎割捨美景良時等

閒睡了 陽春白 雪卷五

羅椅

椅字子遠號潤谷癸辛雜識云羅椅廬陵人富家子壯年捐金結客後爲饒雙峯高弟又以薦登貢師憲之門丙辰第進士以秉義郎爲江陵教改渾教及宰轅之信豐遷提轄權貨度宗升退失於入臨論罷

柳梢青

萼綠華身小桃花扇女石榴裙子野聞歌周郎顧曲曾惱夫君

悠悠羈旅愁人似飄零青天斷雲何處銷魂初三夜月第四橋春

陽春白
雪卷七

八聲甘州 孤山有感

甚匆匆歲月又人家插柳記清明正南北高峯山傳笑響水泛簫

聲吹散樓臺烟雨鶯語碎春晴何所無芳草惟此青青誰管孤

山山下任種梅竹冷薦菊泉清看人情如此沉醉不須醒問何時

樊川歸去歎故鄉七十五長亭君知否洞雲溪月笑我飄零 陽春白雪

六卷

清平樂

明虹收雨兩槳能吳語人在江南荷葉浦採得蘋花無數夢中

舞燕棲鸞起來烟渚風灣一點愁眉天末憑誰剗却春山 陽春白雪卷四

更漏子

晚潮生涼月細一抹遠山無蒂收越棹起吳檣人間何限忙石

頭城西北角杳杳天低鶻落渾不似此波光清歌催夕陽 陽春白雪卷七

朱 埴

埴字聖陶號堯章廬陵縣人
寶祐四年第一甲第十六人

點絳脣

繡被鴛鴦寶香熏透薔薇水枕邊一紙明月人千里宿酒初醒

全不忺梳洗擡纖指微籤玉齒百色思量起 陽春白雪卷六

畫堂春

綠窗睡起小粧殘玉釵低墮雲鬢回紋枉寄見伊難心緒闌珊

翠袖兩行珠淚畫樓十二闌干銷磨今古雲時間恨殺青山 陽春白雪

七卷

南鄉子

花柳隔重局送過秋千笑語聲檐鵲也喚人起晚天晴孤負東風

趁踏青細細研紅綾小字相思寫不成心上可人雲樣遠寒盟

只恐恩情薄似雲 同上

劉 瀾

瀾字養源號江村天台人嘗爲道士還俗干謁無成丙子年卒

慶宮春 重登蛾眉亭感舊

春翦綠波日明金渚鏡光盡浸寒碧喜溢雙蛾迎風一笑兩情依舊脈脈那時同醉錦袍濕烏紗欹側英游何在滿目青山飛下孤

白片帆誰上天門我亦明朝是天門客平生高興青蓮一葉從此飄然入極磯頭綠樹見白馬書生破敵百年前事欲問東風酒

醒長笛 絕妙好詞卷五

瑞鶴仙 海棠

向陽看未足更露立闌干日高人獨江空佩鳴玉問烟鬟霞臉爲誰膏沐情間景淑嫁東風無媒自卜鳳臺高貪伴吹笙驚下九天霜鴿紅燈花開不到杜老溪莊已公茅屋山城水國歡易斷夢難續記年時馬上人酣花醉樂奏開元舊曲夜歸來駕錦漫天絳

紗萬燭 同上

齊天樂 吳興郡宴遇舊人

玉釵分向金華後回頭路迷仙苑落翠驚風流紅逐水誰信人間重見花深半面尙歌得新詞柳家三變綠葉陰陰可憐不似那時看劉郎今度更老雅懷都不到書羅題扇花信風高若溪月冷明日雲帆天遠塵緣較短怪一夢輕回酒闌歌散別鶴驚心感時花淚濺 絕妙好詞卷五

買陂塘 游天台雁蕩東湖

御風來翠鄉深處連雲錦平遠臥遊已動蓬舟與那在芙蓉城畔巾幘岸任壓頂嵯峨滿鬢絲零亂飛吟水殿載十丈青青隨波弄粉菰雨淚如霰斜陽外也有新妝半面無言應對花怨西湖千頃腥塵暗更憶鑑湖一片何日見試折藕占絲絲與腸俱斷遐征漸倦當頻尾湖頭綠波彩筆相伴老坡健 浩然齋雅談下

按蘇州漁笛譜有再和劉養源六么令明月引諸詞

李 珣

汪字元暉號鶴田吉水人年十二通書經召試館職除祕書正字批差充幹辦御前翰林司主管御覽書籍除閣門宣贊舍人初領應奉賜紫袍紅帶小金帶一朝士寄之詩云上直朝朝紫禁深歸來無事只清吟不須更借頭銜看便是當年李翰林有雜著四集錢唐百詠行於世年八十九而終見成化吉安府志

擊梧桐

別西湖社友

楓葉濃於染秋正老江上征衫寒淺又是秦鴻過霽烟外寫出離愁幾點年來歲去朝生莫落人似吳潮展轉怕聽陽關曲奈短笛喚起天涯情遠雙屐行春扁舟嘯晚憶昔鷗湖鶯苑鶴帳梅花屋霜月後記把山扉牢掩惆悵明朝何處故人相望但碧雲半斂定蘇隄重來時候芳草如翦

絕妙好詞卷五

木蘭花慢

寄豫章故人

故人知健否又過了一番秋記十載心期蒼苔茅屋杜若芳洲天遙夢飛不到但滔滔歲月水東流南浦春波舊別西山暮雨新愁吳鉤光透黑貂裘客思悠悠更何處相逢殘更聽鴈落日呼鷗滄江白雲無數約他年攜手上扁舟鴉陣不知人意黃昏飛向城頭

絕妙好詞卷六

王 嶠

祝英臺近

嶠字季夷號貴英陳氏書錄解題季夷北海人紹淳間名士寓居吳興區務觀興之厚善三子甲田申皆登科有北海集

柳煙濃花露重合是醉時候樓倚花梢長記小垂手誰教釵燕輕分鏡鸞慵舞是孤負幾番晴晝自別後聞道花底花前多是兩眉皺又說新來比似舊時瘦須知兩意常存相逢終有莫謾被春光倂慙

絕妙好詞卷二

夜行船

曲水澱裙三月二馬如龍鈿車如水風颺游絲日烘晴晝人共海棠俱醉客裏光陰難可意埽芳塵舊遊誰記午夢醒來不覺小窗人靜春在賣花聲裏

同上

方君遇

詞綜補遺云按章居安梅磻詩話載鄉人方君遇詩居安家於吳興君遇蓋浙右人也

風流子

春被雨禁持傷心事髣髴去年時記芳徑暮歸褪妝微醉暗幃先
寢聞笑伴癡迴首別離容易過楊柳又依依紅燭怨歌鬟花零落
青綾牽夢屏影參差 桃源今何在劉郎去應念瘦損香肌誤約
夜闌從前怪我多疑但怕收殘淚對人徐語指彈新恨推戶潛窺
還是懨懨病也無計憐伊

陽春白
雪卷五

王 識

水調歌頭

觀星

一雨洗空閣象緯迫人清披襟臺上坐看北斗正旋衡知是南宮
列宿初出極星未遠龍角正分明河漢餘千里風露已三更 坐
未久書帙散酒壺傾涼生殿閣冷然邀我御風行擬欲乘槎一問
但得天孫領略安用訪君平莫笑儒生事造化掌中生

永春州志
卷十四

郭 新

漁父

新寧遠人咸淳戊辰進士世亂隱
居不仕築醴玉書屋以耕釣自適

山光青水色綠春風澹蕩看不足草繇芊花撲簌漁艇移歌相續
信俯沉無拘束釣回乘月歸灣曲酒盈樽雲滿屋不見世間榮
辱

沅湘舊集前
編卷第二十六

全宋詞卷二百六十一

陳人傑 三十一首

李好古 十四首

陳人傑

人傑號龜峯潮州人

沁園春

予以為古今詞人負抱所有妍媸長短雖已自信亦必當世名鉅為之印可然後人信以傳昔劉又未有顯稱及以雪車冰柱

二篇為韓文公所賞一日之名遂增張孟予嘗得又遺集觀其餘作多不稱是而流傳至今未就泯滅者以韓公所賞題品爾今才士滿世所負當不止又如然而獎借後進竟未有知韓公者才雖不其然有亦未易識誦山谷之詩不覺喟然因作思古人一曲他時儻遇知己無妨反

驢

不恨窮途所恨吾生不見古人似道傍郭泰品題季偉舟中謝尚

賞識袁宏又似元之與蘇和仲汲引孫丁晁李秦今安在但高風

凜凜墳草青青 江東無我無卿政自要胷中分渭涇嘆今人榮

貴祗修邊幅斯文寂寞終欠宗盟面蹉長江目迷東野卻笑韓公

接後生知音者恨黃金難鑄清淚如傾

又 天問

我夢登天盡把不平問之化工似桂花開日秋高露冷梅花開日
歲老霜濃如此清標依然香性長在淒涼索寞中何為者祇紛紛
桃李占斷春風 一時列鼎分封豈猿臂將軍無寸功想世間成
敗不關工拙男兒濟否只繫遭逢天曰果然事皆偶爾鑿井得銅
奴得翁君歸去但力行好事休問窮通

又 春留

春為誰來誰遣之歸挽之不還縱小桃穠李大都寂寞紫微紅藥
未到闌珊畢竟須歸何妨小駐容我一尊煙雨間春無語只遊絲
舞蝶懶上盃盤 故園風物班班奈聲利羈留身未閑望歸鴻影
盡白雲萬里啼鵲聲切落日千山春卻笑人年來何事要得一歸
如許難君知否百八盤世路盡在長安

又 歲守

大歲茫茫猶有歸時我胡不歸為桂枝關約十年闕下梅花夢想

半夜天涯婪尾三盃膠牙一標節物依然心事非長安市只喧喧
簫鼓催老男兒 篝燈自理征衣正歷亂愁腸千萬絲想椒盤寂
寞空傳舊頌桃符冷落誰撰新詩世事乾忙人生寡遂何限春風
拋路歧身安處且開眉一笑何以家爲

又問杜鵑

爲問杜鵑抵死催歸汝胡不歸似遼東白鶴尙尋華表海中玄鳥
猶記烏衣吳蜀非遙羽毛自好合趁東風飛向西何爲者卻身羈
荒樹血灑芳枝 興亡常事休悲算人世榮華都幾時看錦江好
在臥龍已矣玉山無恙躍馬何之不解自寬徒然相勸我輩行藏
君豈知閩山路待封侯事了歸去非遲

又盧全有詩云大歲只遊桃李徑春風肯管歲寒枝予每三復斯言以爲嘆息偶因庭竹有感因作此詞

春事方濃寂寞此君誰相品題到儂桃憇李鳩邊雨急埋薇瘞藥
燕外泥肥鳥影舒炎黃埃漲暑又過綠陰青子時夫然後向猷家
載酒詡室題詩 風標如此清奇嘆世俗炎涼真可悲看眼空凡
木雲霄直上心交古榦霜雪相依彈壓溪山留連風月紅紫紛紛

誰似之人閒世這澹中風味兒輩爭知

又

詩不窮人人道得詩勝如得官有山川草木縱橫紙上蟲魚鳥獸
飛動毫端水到渠成風來帆速廿四中書考不難惟詩也是乾坤
清氣造物須慳 金張許史渾閑未必有功名久後看算南朝將
相到今幾姓西湖名勝只說孤山象笏堆牀蟬冠滿座無此新詩
傳世閒杜陵老向年時也自井凍衣寒

又

予弱冠之年隨牒江東漕閘嘗與友人暇日命酒層樓不惟鍾阜石城之勝班班在目而平淮如席亦橫陳樓楹間既而北歷淮山自齊安泝江汎湖薄遊巴陵又得登岳陽樓以盡荊州之偉觀孫劉虎視遺蹟依然山川草木差強人意泊回京師日詣豐樂樓以觀西湖因誦友人東南旖媚離了男兒之句嘆息者久之酒酣大書東壁以寫胸中之勃鬱時嘉熙庚子秋季下澣也

記上層樓與岳陽樓醺酒賦詩望長山遠水荊州形勝夕陽枯木
六代興衰扶起仲謀喚回玄德笑殺景升豚犬兒歸來也對西湖
嘆息是夢耶非 諸君傳粉塗脂問南北戰爭都不知恨孤山霜
重梅凋老葉平堤雨急柳泣殘絲玉壘騰煙珠淮飛浪萬里腥風
吹鼓鼙原夫輩算事今如此安用毛錐

又
感事

誰使神州百年陸沈青氈未還口晚星殘月北州豪傑西風斜日
東帝江山劉表坐談深源輕進機會失之彈指閒傷心事是年年
冰合在在風寒說和說戰都難算未必江沱堪宴安嘆封侯心
在鱣鯨失水平戎策就虎豹當關渠自無謀事猶可做更剔殘燈
抽劍看麒麟閣豈中興人物不畫儒冠

又
懷古

落日都門買得扁舟乘興而東正荅川半夜月寒似水蘋洲一路
秋老多風攜妓溪山尋春歲月往事黃梁昨夢中高樓上問何人
懷古湖海元龍諸君解后相逢更休問笑奴金錯空向瑣窗看
鏡鬢無霜白玉舳揮酒臉有潮紅蓴美鱸肥橙香蟹壯風味不如
歸興濃明朝去有西門一水直與天通

又
鼎飲因以爲別

此去長安說似交游我來自東向兼葭極浦吟篷泊雨梧桐孤店
醉幘欹風青市生涯白洲活計都在水鄉魚稻中郵亭上俯清流

長嘯驚起虬龍雪山面面迎逢便回首舊遊雲水空有連天秋

草寒煙借碧滿城霜葉落照爭紅六代蜂窠七賢蝶夢勾引客愁
如酒濃人閒世只醉鄉堪向休問窮通

又
懷古

草滿姑蘇問訊夫差今安在哉望虎邱蒼莽愁隨月上蠡湖浩渺
興逐潮來自古男兒可人心事惆悵要離招不迴離之後似舞陽
幾箇成甚人才西風斜照徘徊比舊日江南尤可哀嘆茫茫馬
腹黃塵如許紛紛牛背青眼難開應物香銷樂天句杳無限風情
成死灰都休問向客邊解后祇好拈盃

又
觀瀾

日薄風瘳萬里空江隱隱有聲旋千旗萬棹一時東指青山斷處
白浪成層漸近漸高可驚可喜欸作雪峯樓外橫教人訝是鯨掀
鼉抃蛟鬪龍爭屬鏤忠恨騰騰要句踐城臺都蕩平奈岸身不
動潮頭自落又如飛劍斫倒鼉城若到夜深更和月看組綬分明
十萬兵尤奇特有稼軒一曲眞野狐精

又贈陳用明

把酒西湖花月三年不見家山想荊州座上消磨歲月唐風集裏收卷波瀾鶴邑朝帆鱸鄉夕棹來往菰蒲何處閒應思我似騎驢杜甫長在長安相逢依舊開顏聽玉屑霏霏當暑寒笑髯生如許尙誇年少心忙未了浪說身閒塵夢無憑菟裘堪老付子聲名吾欲還斜陽外把平生心事同倚闌干

又送陳起辛歸長樂

過了梅花縱有春風不如早還正燕泥日暖草綿別路鷺朝煙澹柳拂征鞍黎嶺天高建溪雷吼歸好不知行路難龜山下漸青梅初熟盧橘猶酸名場老我閒關分歲晚誅茅湖上山嘆龍舒君去尙留破硯魚軒人老長把連環鏡影霜侵衣痕塵暗贏得狂名傳世間君歸日見家林舊竹爲報平安

又送高君紹遊雪川

斗酒津亭方送月鄉夫君又行正夕陽枯木低回征路寒煙衰草迤邐離情京洛風塵吳興山水等是東西南北人思君處只梅花

解后心目開明江湖夜雨青燈曾說盡百年閒廢興嘆屠龍事業依然汗漫歌魚歲月政爾崢嶸但使豫州堪容玄德何必區區依景升需時耳算不應長是豎子成名

又送鄭通父之吳門謁宋使君

寒外江山如此蕭條可堪別離縱虹橋煙浪要君懷古鳳城風雨奈我相思玉繭揮詩金鯨瀉酒件件清狂分付誰長安市口幾多心事歲老相期春風漸到梅枝算我輩榮枯應似之莫提攜劍缺悲歌一曲摩挲髀肉清淚雙垂話到辛酸居然慷慨躍馬歲年心自知君行矣有廣平東閣堪著男兒

又庚子歲自壽

未省吾生石室雲林金門玉堂但呂公來說風神清恠甘公來說壽祿高強果若人言自應年少曳紫鳴珂游帝鄉何爲者更風塵牢落歧路回皇替人縫嫁衣裳余未遇良媒空自傷豈平生猶欠陰功活蟻從前未卜吉地眠羊歲晏何如時來便做但恐鬢毛容易霜今休問且揆予初度滿引金觴

又 辛丑歲
自壽

五彩雲中羣玉峯頭是吾故鄉爲瑤池侍宴偶違酒令玉皇降勅
謫作詩狂檜柏風姿山林氣象未到中年先老蒼西湖路儘留連
光景傲睨冰霜 東窗翦燭焚香臘滿引梅花進壽觴夢羣仙相
慶烹炮麟鳳十洲同往矚翳鸞鳳約向人間儘償吟債依舊乘風
來帝鄉如今未且百年管領橘綠橙黃

又 贈
人

如此男兒可是疎狂才大興濃口曹瞞事業雀臺夜月建封氣概
燕子春風叱咤生雷肝腸似石纔到尊前都不同人閒世只嬋娟
一劍磨盡英雄 半生書劍無功漫贏得閒情如二公向紫雲歌
畔玉韜最滿紅桃笑裏金錯長空馳陌三年牛腰幾束半在蘭香
巾笥中君知否是揚州景物消得司封

又 送宗人景
召遊姑蘇

世路如秋萬里蕭條君何所之想鱸鄉煙水尙堪垂釣虎邱泉石
儘可題詩橙弄霜黃蘆飄雪白何處西風無酒旗經行地有會心

之事好吐胸奇 一邱封了要離問世上男兒今有誰但一尊相
屬居然感慨扁舟獨往可是嶽寄齊邱歌魚揚州跨鶴風味淺深
君自知匆匆去算梅邊春動又是歸期

又 次韻林南
金賦愁

撫劍悲歌縱有杜康可能解憂爲修名不立此身易老古心自許
與世多尤平子詩中庾生賦裏滿目江山無限愁關情處是聞鷄
半夜擊楫中流 澹煙衰草連秋聽鳴鵠聲聲相應酬嘆霸才重
耳泥塗在楚雄心元德歲月依劉夢落蓴邊神遊菊外已分他年
專一邱長安道且身如王粲時復登樓

又 南金又賦無愁予曰丈夫涉世非金石安得無愁時顧所愁何如爾
杜子美平生困蹙不偶而嘆老羞卑之言少愛君憂國之意多可謂知
所愁矣若著衣喫飯一一未能忘
情此爲不知命者故用韻以反騷

我自無憂何用攢眉今憂古憂嘆風寒楚蜀百年受病江分南北
千載歸尤洛下銅駝昭陵石馬物不自愁人替愁興亡事向西風
把劍清淚雙流 邊頭依舊陽秋問諸將君恩醉未醉悵書生浪
說皇王帝霸功名已屬韓岳張劉不許請纓猶堪草檄誰肯種瓜

歸故邱江中屢識平生許事吐氣成樓

又 送馬正君
歸東嘉

盡典春衣換酒津亭送君此行嘆清朝有道何曾逐客有司議法
忍及書生歸去來兮噫其甚矣見說江濤也不平君之友豈都無
義士剖膽相明 挑詩行李如冰正趁得越山桃李春把從前豪
舉著些老氣不應造物到底無情鴈蕩煙霞鳳城風雨兩地相思
魂夢清重來否算海口未窄猶可騎鯨

又 詠西湖
酒樓

南北戰爭惟有西湖長如太平看高樓倚郭雲邊蟲棟小亭連苑
波上飛臺太守風流遊人歡暢氣象邇來都斬新鞦韆外賸釵駢
玉燕酒列金鯨 人生樂事良辰况鶯燕聲中長是晴正風嘶寶
馬軟紅不動煙分綵鷁澄碧無聲倚柳分題藉花傳盒滿眼繇華
無限情誰知道有種梅處士貧裏看春

又 同林義倩遊惠覺寺納子差
可與語因作葛藤語示之

萬法皆空空卽是空佛安在哉有雲名妙淨可遮熱惱海名圓覺

堪洗塵埃翠竹真如黃花般若心上種來心上開教參熟是菩提
無樹明鏡非臺 偷閑來此徘徊把人世黃梁都喚回算五陵豪
客百年榮貴何如衲子一鉢生涯俯仰溪山婆娑松檜兩腋清風
茶一盃拏舟去更掃塵東壁聊記曾來

又 壬寅春寓東林
山中有感而作

懶學馮君彈鋏歌魚如今五年爲西湖西子費人料理東林東老
特地留連坐註蟲魚行吟雌霓竟負逍遙弟一篇過從少但赤髭
白足時復談禪 倚門白水平田看數點青山無盡天嘆春風心
事已成待免夕陽時節又聽啼鵲如此淒涼若爲排遣不是詩邊
卽酒邊中宵夢有連梅吹雪坡柳搖煙

又 賦月潭主
人荷花障

雲錦亭西記興詩人拍浮酒船看洛川妃子錦衾照水漢皋遊女
玉佩搖煙秋老芳心波空豔質惟見寒霜凋碧圓爭知道有西湖
五月長在尊前 素紈紅障相鮮更澹靜一枝真葉仙向風軒搖
動但無香耳蓼叢掩映自是天然猊背生煙蠟心吐月贏得吳娃